

Պ Ա Յ Մ Ա Ն Ա Գ Ի Ր թիվ 18/005

(ԻՐՏԵԿ իրավական տեղեկատվական համակարգչային համակարգի
օգտագործման իրավունքի տրամադրման և սպասարկման մասին)

ք. Երևան

« 15 » հունվարի 2018թ.

«Հայաստանի հեռուստատեսային և ռադիոհաղորդիչ ցանց» ՓԲԸ-ն, ի դեմս գլխավոր տնօրենի պաշտոնակատար Գ. Ալոյանի, որը գործում է Ընկերության կանոնադրության հիման վրա, այսուհետ՝ Պատվիրատու, մի կողմից և «Իրավական Տեղեկատվական Կենտրոն» ՓԲԸ-ն, ի դեմս տնօրեն Ռոբերտ Ավագյանի, որը գործում է Ընկերության կանոնադրության համաձայն, այսուհետ՝ ԿԵՆՏՐՈՆ, մյուս կողմից, հիմք ընդունելով ՀՀ քաղաքացիական օրենսդրության դրույթները կնքեցին սույն պայմանագիրը հետևյալի մասին՝

1. ՊԱՅՄԱՆԱԳՐԻ ԱՌԱՐԿԱՆ

1.1. ԿԵՆՏՐՈՆԸ ՊԱՏՎԻՐԱՏՈՒԻՆ Է տրամադրում իր տնօրինության տակ գտնվող և հեղինակային իրավունքով պաշտպանվող ԻՐՏԵԿ Իրավական Տեղեկատվական համակարգչային համակարգի (այսուհետ՝ համակարգ) օգտագործման ոչ բացառիկ իրավունքը, ՊԱՏՎԻՐԱՏՈՒԻ կողմից սույն պայմանագրով համակարգի ներդրումների քանակին համապատասխան վճարը ԿԵՆՏՐՈՆԻՆ վճարելուց (փոխանցելուց) հետո երեք օրվա ընթացքում և իրականացնում է ներդրված համակարգի իրավական բազայի հետագա լրացման և սպասարկման աշխատանքները (այսուհետ՝ սպասարկում), իսկ ՊԱՏՎԻՐԱՏՈՒՆ պարտավորվում է սույն պայմանագրով սահմանված ժամկետներում և չափով վճարել համակարգի ներդրման և սպասարկման համար:

1.2. ԿԵՆՏՐՈՆԸ և համակարգի հեղինակները պահպանում են համակարգի նկատմամբ ունեցած իրենց բոլոր իրավունքները:

2. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

2.1. ԿԵՆՏՐՈՆԸ պարտավորվում է՝

ա) ՊԱՏՎԻՐԱՏՈՒԻ կողմից սույն պայմանագրով համակարգի օգտագործման իրավունքի տրամադրման համար սահմանված վճարը ԿԵՆՏՐՈՆԻՆ վճարելուց (փոխանցելուց) հետո երեք օրվա ընթացքում համակարգը ներդնել ՊԱՏՎԻՐԱՏՈՒԻ սույն պայմանագրի 3.1. կետով նախատեսված համակարգի ներդրումների քանակին համապատասխան համակարգիչում (համակարգիչներում),

բ) կատարել համակարգի իրավական բազայում կատարված փոփոխությունների և լրացումների մուտքագրումը ՊԱՏՎԻՐԱՏՈՒԻ համակարգչում (համակարգիչներում) սույն պայմանագրով սահմանված ժամկետներում,

գ) չհրապարակել, սույն պայմանագրով սահմանված իր պարտավորությունները կատարելու հետևանքով իրեն հայտնի դարձած ՊԱՏՎԻՐԱՏՈՒԻ առետրային գաղտնիք հանդիսացող տեղեկությունները,

դ) ՊԱՏՎԻՐԱՏՈՒԻ դիմելու օրվանից երեք օրվա ընթացքում վերականգնել ՊԱՏՎԻՐԱՏՈՒԻ համակարգչում (համակարգիչներում) ներդրված համակարգը, եթե դրանք փչացել կամ վնասվել են ներդրված համակարգի աշխատանքի կամ դրա սպասարկման հետևանքով:

2.2. ՊԱՏՎԻՐԱՏՈՒՆ պարտավորվում է՝

ա) պայմանագիրն ուժի մեջ մտնելուց հետո մեկ ամսվա ընթացքում ԿԵՆՏՐՈՆԻ հաշվարկային հաշվին փոխանցել կամ նրա դրամարկղը մուծել սույն պայմանագրով համակարգի ներդրումների քանակին համապատասխան սահմանված վճարը,

բ) կատարված սպասարկման համար ԿԵՆՏՐՈՆԻ կողմից ներկայացված հաշիվ ապրանքագրում կամ հարկային հաշվում նշված գումարը ԿԵՆՏՐՈՆԻ հաշվին փոխանցել ներկայացված հաշվարկային փաստաթղթի դուրս գրման ամսաթվից հետո տասը օրացուցային օրվա ընթացքում,

գ) համակարգը ներդնել և օգտագործել միայն նրանում տեղակայված ՕԳՆՈՒԹՅԱՆ և համակարգի ուղեցույցի հրահանգների համաձայն,

դ) տեղեկատվություն ստանալու նպատակով չիրականացնել և թույլ չտալ այլ ֆիզիկական կամ իրավաբանական անձանց, իրավաբանական անձի կարգավիճակ չունեցող ձեռնարկություններին՝ այսուհետ՝ անձանց.

-ուսումնասիրել կամ հետազոտել համակարգի հիմքում ընկած գաղափարներն ու սկզբունքները.

-իրականացնել համակարգի ազատ ապաքանաքաղում (դեկոմպիլացիա)՝ կողմ ընդօրինակելու, նոր ձևի թարգմանելու կամ այլ նպատակների համար.

-համակարգը գրանցել (ներդնել, արտագրել) սույն պայմանագրով չնախատեսված այլ համակարգիչներում

-կատարել որևէ փոփոխություն համակարգի ծրագրային ապահովման մեջ.

ե) համակարգը չօգտագործել համակարգչային ցանցում և թույլ չտալ, որ համակարգչային ցանցին միացած մյուս աբոնենտները օգտվեն համակարգից, եթե համակարգիչը, որի վրա ներդրվել է համակարգը, միացված է համակարգչային ցանցին,

ԻՐԱՎԱԿԱՆ ՏԵՂԵԿԱՎԱԿԱՆ ԿԵՆՏՐՈՆ
(«ԻՐՏԵԿ») ՓԲԸ

«Հայաստանի հեռուստատեսային
և ռադիոհաղորդիչ ցանց» ՓԲԸ

զ) առանց ԿԵՆՏՐՈՆԻ համաձայնության չիրականացնել համակարգում ընդգրկված, ինչպես նաև դրա հետագա սպասարկման միջոցով մուտքագրված նոր ընդունված, փոփոխված ու լրացված իրավական ակտերի տեքստերի բազմացում՝ հրատարակում և այլն, կամ տեղադրում Ինտերնետ կայքերում:

3. ՀԱՄԱԿԱՐԳԻ ՆԵՐԴՐՈՒՄՆԵՐԻ ԶԱՆԱԿԸ ԵՎ ՀԱՄԱԿԱՐԳԻ ՍՊԱՍԱՐԿՈՒՄԸ

3.1. Համակարգը ներդրվում է ՊԱՏՎԻՐԱՏՈՒԻ 3 (երեք) համակարգիչներում (համակարգի ներդրումների քանակը):

3.2. Համակարգի սպասարկումը կատարվելու է ՊԱՏՎԻՐԱՏՈՒԻ մոտ համակարգը ներդնելուց հետո ամիսը մեկ անգամ (ամսական սպասարկում):

4. ՎՃԱՐՄԱՆ ՉԱՓԵՐԸ ԵՎ ԺԱՍԿԵՏՆԵՐԸ

4.1. Համակարգի մեկ օրինակի օգտագործման իրավունքի տրամադրման գինը՝ ներառյալ հարկերը, կազմում է 20000 (քսան հազար) դրամ:

Համակարգի երեք օրինակների օգտագործման իրավունքի տրամադրման գինը՝ ներառյալ հարկերը, կազմում է 60000 (վաթսուև հազար) դրամ:

4.2. Ներդրված համակարգի առաջին օրինակի ամսական սպասարկման գինը՝ ներառյալ հարկերը, կազմում է 10000 (տասը հազար) դրամ: Համակարգի երկրորդից սկսած յուրաքանչյուր հաջորդ օրինակի ամսական սպասարկման գինը՝ ներառյալ հարկերը, կազմում է 5000 (հինգ հազար) դրամ:

Համակարգի երեք օրինակների ամսական սպասարկման գինը՝ ներառյալ հարկերը, կազմում է 20000 (քսան հազար) դրամ:

4.3. ԿԵՆՏՐՈՆԸ հանդիսանում է շրջանառության հարկ վճարող: ԿԵՆՏՐՈՆԻ շրջանառության հարկով հարկման կարգից հարկման ընդհանուր կարգին անցնելու դեպքում 4.1 և 4.2 կետերով ծառայության համար սահմանված վճարներին գումարվում է այդ գումարների նկատմամբ հաշվարկված ԱԱՀ-ն:

4.4. Յուրաքանչյուր օրացուցային տարվա սկզբում՝ մինչև տվյալ տարվա առաջին սպասարկումը, սպասարկման գինը ենթակա է վերանայման: Եթե կողմերը սպասարկման գնի վերաբերյալ համաձայնության չեն գալիս, ապա այդ դեպքում պայմանագիրը սպասարկման մասով համարվում է լուծված:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1. Սույն պայմանագրով ստանձնած պարտավորությունների չկատարման դեպքում կողմերը պատասխանատվություն են կրում ՀՀ գործող օրենսդրությամբ սահմանված կարգով:

5.2. Եթե սույն պայմանագիրն ստորագրած մի կողմի՝ սույն պայմանագրով ստանձնած պարտավորությունների չկատարումը, նյութական կամ բարոյական վնաս է պատճառել մյուս կողմին, ապա մեղավոր կողմը պարտավոր է փոխհատուցել մյուս կողմի կրած վնասները: ԿԵՆՏՐՈՆԸ ՀՀ օրենսդրությամբ սահմանված կարգով նյութական պատասխանատվություն է կրում իր կողմից ներդրված համակարգի աշխատանքի հետևանքով ՊԱՏՎԻՐԱՏՈՒԻ համակարգիչին (համակարգիչներին) կամ նրանում (նրանցում) ընդգրկված ծրագրերի վնասման համար միայն՝ սույն պայմանագրի համակարգի ներդրման համար 4.1. կետով սահմանված գումարի սահմաններում:

5.3. ԿԵՆՏՐՈՆԸ որևէ պատասխանատվություն չի կրում, եթե ՊԱՏՎԻՐԱՏՈՒԻ կողմից սույն պայմանագրի պայմանների խախտման հետևանքով փչանա (ոչնչանա) ներդրված համակարգը կամ վնասվի ՊԱՏՎԻՐԱՏՈՒԻ համակարգիչը (համակարգիչները) ու նրանում ընդգրկված այլ ծրագրերը:

5.4. ՊԱՏՎԻՐԱՏՈՒԻ համակարգչում (համակարգիչներում) ներդրված համակարգի ու սպասարկման միջոցով մուտքագրված փոփոխությունների ու լրացումների պատահական կորստի ռիսկն ընկնում է ՊԱՏՎԻՐԱՏՈՒԻ վրա:

5.5. Սույն պայմանագրից ծագող վեճերը լուծվում են կողմերի փոխադարձ համաձայնությամբ, համաձայնության չհասնելու դեպքում դատարանի կողմից:

6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՍԿԵՏԸ

6.1. Պայմանագիրն ուժի մեջ է մտնում ստորագրման պահից և գործում է անժամկետ:

6.2. Սույն պայմանագիրն ամբողջությամբ կարող է վաղապես լուծվել՝

ա) կողմերի համաձայնությամբ.

բ) ԿԵՆՏՐՈՆԻ կողմից միակողմանի, եթե՝ ՊԱՏՎԻՐԱՏՈՒԻ չի կատարում սույն պայմանագրի 2.2 կետում նշված պարտավորությունները.

գ) ՊԱՏՎԻՐԱՏՈՒԻ կողմից, եթե ԿԵՆՏՐՈՆԸ սույն պայմանագրով սահմանված ժամկետն անցնելուց հետո տաս օրվա ընթացքում չի ներդրում համակարգը.

դ) ՀՀ օրենսդրությամբ սահմանված այլ դեպքերում:

6.3. Սույն պայմանագիրը միայն սպասարկման մատով կարող է վաղաժամկետ լուծվել կողմերից որևէ մեկի կողմից: Այդ դեպքում պայմանագիրը լուծող կողմը պարտավոր է պայմանագիրը լուծելուց տաս օր առաջ գրավոր տեղեկացնել այդ մասին մյուս կողմին:

6.4. ԿԵՆՏՐՈՆԻ կողմից համակարգը ՊԱՏՎԻՐԱՏՈՒԻ համակարգչում (համակարգիչներում) ներդնելուց հետո սույն պայմանագրի վաղաժամկետ լուծման դեպքում պայմանագրի 2.2 կետի գ), դ), ե), զ) ենթակետերով սահմանված նորմերը շարունակում են գործել պայմանագրի վաղաժամկետ լուծման օրվանից սկսած երկու տարի ժամկետով, եթե կողմերի գրավոր համաձայնությամբ այլ բան չի սահմանվի:

7. ԼՐԱՑՈՒՑԻՉ ՊԱՅՄԱՆՆԵՐ

7.1. Կողմերի համար սույն պայմանագրով սահմանված պարտավորությունները և իրավունքները պայմանագիրն ստորագրած կողմերից մեկը չի կարող փոխանցել այլ իրավաբանական կամ ֆիզիկական անձի, առանց պայմանագիրն ստորագրած մյուս կողմի գրավոր համաձայնության:

7.2. ՊԱՏՎԻՐԱՏՈՒՆ իրավունք ունի՝

- ա) համակարգն օգտագործել իր նպատակների համար,
- բ) արխիվային նպատակների համար, ինչպես նաև համակարգչային ծրագրի օրինակի կորստյան, ոչ պիտանի լինելու դեպքերի համար կատարել համակարգի, ինչպես նաև դրա սպասարկման միջոցով մուտքագրված փոփոխությունների ու լրացումների պահեստային օրինակի նախնական պատճենահանում:

7.3. Սույն պայմանագրի դրույթները տարածվում են ինչպես ԿԵՆՏՐՈՆԻ կողմից ՊԱՏՎԻՐԱՏՈՒԻ բոլոր համակարգիչներում ներդրված համակարգերի, այնպես էլ համակարգերում հետագայում սպասարկման կարգով կատարված փոփոխությունների ու լրացումների վրա:

7.4. Պայմանագիրը կնքված է երկու հավասարազոր օրինակներից՝ յուրաքանչյուր կողմին մեկական օրինակ:

Կողմերի իրավաբանական հասցեներն են՝

ԿԵՆՏՐՈՆ

ՊԱՏՎԻՐԱՏՈՒ

ԻՐԱՎԱԿԱՆ ՏԵՂԵԿԱՏՎԱԿԱՆ ԿԵՆՏՐՈՆ
(«ԻՐՏԵԿ») ՓԲԸ

«Հայաստանի հեռուստատեսային և ռադիոհաղորդիչ ցանց» ՓԲԸ

Իրավ. հասցե՝ ք. Երևան, Արվյան 36
Գործ. հասցե՝ ք. Երևան, Ա. Ավետիսյան 63, 42/1
տարածք

Իրավ. հասցե՝ ք. Երևան, Նորք, Հովսեփյան 95
Գործ. հասցե՝ ք. Երևան, Նորք, Հովսեփյան 95

հեռ. 010-322080
E-mail: info@irtek.am

հեռ. 010- 654073
E-mail:

ԻՆԵԿՈՐԱՆԿ ՓԲԸ, կող 20500
h/h 2050022009911001

ԱՍԵՐԻԱԲԱՆԿ ՓԲԸ
h/h 1570027609970100

ՀՎՀՀ 01517279

ՀՎՀՀ 01501898

տնօրեն

գլխավոր տնօրենի պաշտոնակատար



ԻՐԱՎԱԿԱՆ ՏԵՂԵԿԱՏՎԱԿԱՆ ԿԵՆՏՐՈՆ
(«ԻՐՏԵԿ») ՓԲԸ

«Հայաստանի հեռուստատեսային
և ռադիոհաղորդիչ ցանց» ՓԲԸ